



CURSOS CALC

Limiar

Os Cursos de Actualización Lingüística do Profesorado (CALC) están orientados ao desenvolvemento das competencias lingüísticas e comunicativas orais nunha lingua estranxeira, co fin de que o profesorado participante acade a capacidade expresiva necesaria para poder impartir docencia nas súas aulas baixo estas premisas. Por este motivo, os CALC están dirixidos preferentemente ao profesorado de centros plurilingües e seccións bilingües que debe impartir a súa materia en lingua estranxeira, pero pode matricularse calquera docente en activo que desexe actualizar os seus coñecementos lingüísticos.

Asistencia e certificación do curso

Os CALC están organizados pola Subdirección Xeral de Aprendizaxe Permanente e Ensinanzas de Réxime Especial, ofértanse a través do CAFI e dos CFR e son impartidos por profesorado das Escolas Oficiais de Idiomas. Estes cursos desenvólvense durante o curso escolar (de outubro a maio), dous días á semana, dúas horas cada día. O imparte profesorado das EEOOII, e teñen lugar nas aulas das EEOOII ou nas súas extensións.

Estes cursos teñen como obxectivo a **preparación do profesorado**, ao longo de todo o curso, **para a superación das probas de certificación das EOI**, nos niveis básico A2, intermedio B1 e B2, e avanzado C1 e C2. As persoas asistentes que **acaden cando menos un 85% de asistencia** recibirán un certificado polas horas de formación recibidas pero **non a acreditación de nivel lingüístico**; para iso deben superar as probas oportunas nunha entidade certificadora, como por exemplo as EEOOII.

Probas de certificación de nivel de lingua

O profesorado que participe nos cursos CALC poderá realizar as probas de certificación das EEOOII no idioma e nivel cursados, co obxectivo de acadar o certificado de nivel de lingua. Para iso deberá formalizar a oportuna matrícula na EOI, ben por **libre** (se a asistencia é inferior ao 85%) ou por **libre-CALC** (se acada unha asistencia de cando menos o 85%). Os candidatos que se presentan pola quenda de libre-CALC disporán das convocatorias **ordinaria e extraordinaria** (xuño e setembro) para superar as probas de certificación. Con todo, o dereito a presentarse ás dúas convocatorias para poder conseguir a certificación oficial das EOI só poderá exercerse no caso de cursar o CALC segundo as instrucións emitidas a este respecto pola Dirección Xeral de Educación, Formación Profesional e Innovación Educativa.



Acceso aos CALC

Para acceder a un curso CALC é necesario posuír o certificado/título que xustifique o nivel de lingua inmediatamente anterior ao do curso que se vai cursar, segundo a escala de niveis do MCERL (A1-A2-B1-B2-C1-C2). A relación de certificacións e os niveis aos que corresponden figuran na *ORDE do 21 de xuño de 2016 pola que se modifica a Orde do 18 de febreiro de 2011 pola que se establece o procedemento de acreditación de competencia en idiomas do profesorado para impartir nunha lingua estranxeira áreas, materias ou módulos non lingüísticos nos centros docentes públicos dependentes desta consellería* (DOG do 7 de xullo de 2016).

As persoas que NON POSÚEN ningún título ou certificado que xustifique o seu nivel de lingua poderán facer unha **Proba de Nivel**, a cal vai ter lugar o vindeiro **30 de setembro de 2020, de 17.00-19.00 horas**, no CFR de A Coruña. O resultado desta proba indicará o nivel no que se pode inscribir o/a participante. As persoas que posúen un certificado recollido na ORDE do 21 de xuño de 2016 NON TEÑEN que realizar a Proba de Nivel.

Para participar nesta proba os/as interesados/-as deberán inscribirse na actividade **C2002180 Proba de nivel para participar en cursos CALC** a través da aplicación fprofe: <http://www.edu.xunta.es/fprofe/>, na pestana **Consulta/inscrición – Consultar ou inscribirse**. O prazo de inscrición para a Proba de Nivel remata o **27 de setembro de 2020**.

Inscrición nos cursos CALC

- A inscrición se realiza a través da aplicación fprofe: <http://www.edu.xunta.es/fprofe/>, na pestana **Consulta/inscrición – Consultar ou inscribirse**.
- Rematado o prazo de inscrición nos cursos, se leva a cabo un proceso de selección segundo os criterios que figuran nas fichas destes cursos.
- A orde de inscrición NON é un criterio de selección.
- Cada persoa poderá inscribirse nun ou varios cursos, pero soamente poderá estar admitida nun deles, polo que deberá confirmar a asistencia no curso do seu interese e renunciar no resto.
- Logo de confirmar a asistencia a un curso, a persoa participante deberá remitir a certificación escaneada do seu nivel de lingua por e-mail: cfr.coruna.linguasestranxeiras@edu.xunta.gal indicando o código do curso.

Outra información de interese: facer buscas de cursos CALC

En fprofe, na pestana **Consulta/inscrición – Consultar ou inscribirse** podemos facer buscas dos cursos CALC que hai ofertados, así como outras actividades relacionadas, p.ex. a Proba de Nivel. Podemos seguir este exemplo para atopar as actividades, facendo uso dos filtros que temos á nosa disposición:



Inscripción de actividades: Curso académico 2020/2021

Filtros para a busca

Competencia profesional

-- Todas --

Centro de formación e recursos

A Coruña

Estado

En prazo ou actividades inscritas

Plan anual de formación

2020/2021

Buscar

Busca avanzada

Referencia

Título

CALC

Palabras en contidos/obxectivos

Modalidade

-- Todas --

Ensinanza

-- Todas --

Corpo

-- Todos --

Especialidade

-- Todas --

Trimestre

-- Todos --

Publicadas despois de ?

Formas de participación

-- Todas --